

**ქალაქ ბათუმის მუნიციპალიტეტის 2023 წლის ბიუჯეტით გათვალისწინებული ქვეპროგრამის  
„სტიპენდია წარმატებული სტუდენტებისათვის“, ღონისძიების „ლუკა ასათიანის სახელობის  
სტიპენდია წარმატებული სტუდენტებისათვის“ ფარგლებში  
კონკურსის პირობების შესახებ**

**დ ე ბ უ ლ ე ბ ა**

**მუხლი 1. ზოგადი დებულებანი**

1. აღნიშნული დებულება არეგულირებს ქალაქ ბათუმის მუნიციპალიტეტის 2023 წლის ბიუჯეტით გათვალისწინებული ქვეპროგრამის „სტიპენდია წარმატებული სტუდენტებისათვის“, ღონისძიების „ლუკა ასათიანის სახელობის სტიპენდია წარმატებული სტუდენტებისათვის“ (შემდგომში - ქვეპროგრამა) ფარგლებში, კონკურსის ჩატარებასთან დაკავშირებულ პროცედურებს, კომპენტენციებს, მხარეთა ვალდებულებებსა და პასუხისმგებლობებს.

2. ქვეპროგრამის ფარგლებში გამარჯვებულ კონკურსანტთა (შემდგომში - სტიპენდიანტი) შერჩევა ხდება კონკურსის მეშვეობით.

3. კონკურსს ატარებს ქალაქ ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახური (შემდგომში - სამსახური).

4. კონკურსში მონაწილეობის უფლება აქვს, საქართველოს ტერიტორიაზე არსებულ, ავტორიზებულ უმაღლეს საგანმანათლებლო დაწესებულებებში, აკადემიური უმაღლესი განათლების პირველი (ბაკალავრიატი) და მეორე (მაგისტრატურა) საფეხურის უმაღლეს საგანმანათლებლო პროგრამაზე ჩარიცხულ სტუდენტს - საქართველოს მოქალაქეს (შემდგომში - კონკურსანტი), რომელიც უმაღლეს სასწავლებელში ჩარიცხვის (შემდგომში - მიმღები სასწავლებელი) მომენტისათვის რეგისტრირებულია ქალაქ ბათუმის მუნიციპალიტეტის ტერიტორიაზე და 2022 - 2023 სასწავლო წლის აკადემიური მოსწრების დოკუმენტის თანახმად, საკონკურსო - საშემოდგომო ან საგაზაფხულო სემესტრის მიხედვით, მიღებული აქვს დადებითი შეფასება:

- პრიორიტეტულ მიმართულებებზე ჩარიცხულ სტუდენტებს - 81 ქულა და მეტი;
- სხვა დანაჩენ მიმართულებებზე ჩარიცხულ სტუდენტებს - 91 ქულა და მეტი.

5. თუ მიმღები სასწავლებლის მიერ გაცემული დოკუმენტი შეიცავს მხოლოდ, განვლილ საგნებში მიღებულ შეფასებებს, მაშინ კონკურსანტის აკადემიური მოსწრების მაჩვენებლის დადგენა ხდება, მიმღები სასწავლებლის მიერ მოწოდებული დოკუმენტის საფუძველზე, საშუალო არითმეტიკულის გამოთვლის წესით, დამრგვალების გარეშე.

6. ქვეპროგრამით დადგენილი მოთხოვნების გათვალისწინებით, სტიპენდია გაიცემა - 50 წარმატებულ სტიპენდიანტზე. მათ შორის:

- პრიორიტეტული მიმართულებით - 40 სტიპენდიანტი;
- სხვა მიმართულებით - 10 სტიპენდიანტი.

7. კონკურსი არ ითვალისწინებს აკადემიური უმაღლესი განათლების პირველი და მეორე საფეხურის ბოლო დამამთავრებელი სემესტრის კონკურსანტთა მონაწილეობას.

## **მუხლი 2. განმარტებები**

1. **ლუკა ასათიანი** (1836 – 1902წწ.) - ქალაქ ბათუმის პირველი (1894 წ.) და მეორე (1898წ.) არჩეული ხელმძღვანელი - ქალაქის თავი. პოლიტიკური და საზოგადო მოღვაწე. მის სახელს უკავშირდება - ბათუმის საბჭოს აგება, ახლანდელი რესპუბლიკური საავადმყოფოს მშენებლობა, სამკურნალო და საგანმანათლებლო დაწესებულებების (ყველა ეროვნებისათვის, მათ ენაზე დაწესებითი კლასების) გახსნა, ქალაქის განაშენიანების, განსაკუთრებით მიმდებარე ტერიტორიებზე ჭაობის ამოშრობა, სანიაღვრე კანალიზაციის არხების მოწყობა და სხვა უამრავი ინიციატივა.

2. **საკონკურსო სემესტრი** - ამ შემთხვევაში, საშემოდგომო ან საგაზაფხულო სემესტრი, რომლის მიმართებაში ქალაქ ბათუმის მუნიციპალიტეტის მერიის მიერ, გამოცხადებულია კონკურსი.

3. **აკადემიური მოსწრების დოკუმენტი** - ამ შემთხვევაში, მიმღები სასწავლებლის მიერ გაცემული დოკუმენტი, სტუდენტის აკადემიური მოსწრების შესახებ, საკონკურსო სემესტრის მიხედვით, განვლილ საგნებში მიღებული შეფასებების (ქულები/კრედიტები/საბოლოო მაჩვენებელი) მითითებით.

## **მუხლი 3. კონკურსის მიზანი**

1. კონკურსის მიზანია, უმაღლეს სასწავლებელში აკადემიური უმაღლესი განათლების პირველი და მეორე საფეხურის უმაღლეს საგანმანათლებლო პროგრამებზე ჩარიცხულ სტუდენტთა სწავლის სტიმულირება, მოტივირება, კომპეტენციების ამაღლებისა და შემდგომი პროფესიული წინსვლა - განვითარების მხარდაჭერა/ხელშეწყობა.

2. საშემოდგომო და საგაზაფხულო სემესტრის 50 ყველაზე წარმატებული სტუდენტის გამოვლენა, სტიპენდიის დაწესება - გაცემა.

## **მუხლი 4. სტიპენდიის ოდენობა**

აკადემიური მოსწრების საუკეთესო შედეგის მქონე 50 სტუდენტი, მიიღებს ლუკა ასათიანის სახელობის სტიპენდიას (საქართველოს კანონმდებლობით დადგენილი გადასახადების ჩათვლით):

- ა) საშემოდგომო სემესტრის შედეგების მიხედვით - 1 000 ლარი;
- ბ) საგაზაფხულო სემესტრის შედეგების მიხედვით - 1 000 ლარი.

## **მუხლი 5. დოკუმენტაცია**

1. ქალაქ ბათუმის მუნიციპალიტეტის მერია (შემდგომში - მერია) ყოველ საკონკურსო სემესტრთან (საშემოდგომო ან საგაზაფხულო) მიმართებაში, იწყებს განცხადებების მიღებას კონკურსში მონაწილეობის მსურველთათვის.

2. კონკურსანტმა მერიის ადმინისტრაციის საქმისწარმოების განყოფილებაში (მის: ქ.ბათუმი, ლუკა ასათიანის ქ. N25) უნდა წარადგინოს შემდეგი დოკუმენტაცია:

- 2.1. **განცხადება** - კონკურსში მონაწილეობის თაობაზე;
- 2.2. **საქართველოს მოქალაქის პირადობის მოწმობის ასლი**;
- 2.3. **ფოტოსურათი** - ფერადი (2 ცალი / ზომა - 3 × 4);
- 2.4. **ცნობა** - საცხოვრებელი ადგილის რეგისტრაციის შესახებ;
- 2.5. **ცნობა** - უმაღლესი სასწავლებლიდან, სტუდენტის ჩარიცხვის თარიღის, საგანმანათლებლო პროგრამის, ფაკულტეტის, კურსის და სპეციალობა / კვალიფიკაციის მითითებით;
- 2.6. **აკადემიური მოსწრების დოკუმენტი / GPA** - მიმღები სასწავლებლის მიერ გაცემული დოკუმენტი, სტუდენტის აკადემიური მოსწრების შესახებ;
- 2.7. **ცნობა**:

- 2.7.1 ერთიანი ეროვნული გამოცდების შედეგების თაობაზე, ჩაბარებული საგნების და მიღებული შეფასების, ასევე, სკალირებული ქულის და საკონკურსო ქულის მითითებით - თუ განმცხადებელი ბაკალავრია;
- 2.7.2 საერთო სამაგისტრო გამოცდების შედეგების თაობაზე - თუ განმცხადებელი მაგისტრანტია;
- 2.7.2 ცნობა - მიმღები უმაღლესი სასწავლებლიდან, საგანმანათლებლო პროგრამის დასრულების შემდეგ, მისანიჭებელი კვალიფიკაციის ზუსტ დასახელებაზე.

## 2.8. საბანკო რეკვიზიტი.

3. სასურველია, ზემოდასახელებულ დოკუმენტაციასთან ერთად, კონკურსანტმა, ასევე წარმოდგინოს ვიდეო რგოლი (თავის წარდგენა. ხანგრძლივობა - ერთ წუთამდე. მნიშვნელოვანი ბიოგრაფიული მონაცემები და მიღწეული წარმატებები (საუნივერსიტეტო, სამეცნიერო, სპორტული, კულტურული და ა.შ.). ასევე, ჰობი, მიზნები ან სხვა განსაკუთრებული მოვლენები), რომლის გამოყენების/გამოქვეყნების უფლებას ანიჭებს მერიას.

4. მერია უფლებამოსილია საჭიროების შემთხვევაში მოითხოვოს დამატებითი დოკუმენტაცია.

## მუხლი 6. განცხადების მიღების ვადები

განცხადებები კონკურსში მონაწილეობის თაობაზე, მიიღება 2022 - 2023 სასწავლო წლის:

- ა) საშემოდგომო სემესტრში მიღებული შეფასების მიხედვით - 2023 წლის 27 თებერვალი - 31 მარტის ჩათვლით;
- ბ) საგაზაფხულო სემესტრში მიღებული შეფასების მიხედვით - 2023 წლის 2 - 31 ოქტომბრის ჩათვლით.

## მუხლი 7. კონკურსის ეტაპები

1. კონკურსი მოიცავს ორ ეტაპს:

- 1.1. დოკუმენტების მიღება - პირველი ეტაპი;
- 1.2. დოკუმენტების განხილვა - მეორე ეტაპი.

2. რეგისტრირებული დოკუმენტაცია განსახილველად გადაეცემა ქალაქ ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის (შემდგომში - სამსახური) განათლების, კულტურის, სპორტისა და ახალგაზრდობის პროგრამების მართვის განყოფილებას (შემდგომში - განყოფილება).

3. განყოფილება შეისწავლის დოკუმენტაციას და შეჰყავს ინფორმაცია კონკურსანტთა რეესტრში (შემდგომში - რეესტრი).

4. რეესტრში (ბრძანების დანართი 3) ცალ-ცალკე აისახება იმ კონკურსანტთა მონაცემები, რომლებიც სწავლობენ პრიორიტეტულ მიმართულებების სწავლის სფეროებზე და ცალკე იმ კონკურსანტთა მონაცემები, რომლებიც სწავლობენ სხვა დანარჩენ საგანმანათლებლო მიმართულებებზე.

5. არასრული დოკუმენტაციის/მონაცემების წარმოდგენის შემთხვევაში, განყოფილება აცნობებს კონკურსანტს აღნიშნულის შესახებ, განცხადებაში მითითებული საკომუნიკაციო საშუალების მეშვეობით და აძლევს 5 სამუშაო დღეს ხარვეზის გამოსასწორებლად.

6. თუ კონკურსანტი, არ გამოასწორებს ხარვეზს - განცხადება არ განიხილება.

7. განყოფილება, შემოსული განცხადებების მიღების ვადის ამოწურვიდან 20 სამუშაო დღის ვადაში, გამოავლენს კონკურსში გამარჯვებულ - 50 საუკეთესო შედეგის მქონე სტუდენტს (შემდგომში - სტიპენდიანტი).

## **მუხლი 8. პრიორიტეტული მიმართულებები**

1. პირველ რიგში განიხილება, იმ კონკურსანტთა განცხადებები, რომლებიც სწავლობენ პრიორიტეტულ საგანმანათლებლო პროგრამებზე (ბრძანების დანართი 2. / აპლიკაცია 3.).

2. თუ ვერ გამოვლინდა საუკეთესო შედეგების მქონე 40 სტიპენდიანტი პრიორიტეტულ მიმართულებების მიხედვით, მაშინ დარჩენილ ვაკანტურ ადგილებზე, ამ დებულებით დადგენილი კრიტერიუმების შესაბამისად, მოხდება სხვა საგანმანათლებლო პროგრამებზე ჩარიცხულ საუკეთესო შედეგების მქონე სტუდენტთა შერჩევა.

## **მუხლი 9. გამარჯვებულის გამოვლენა**

1. გამარჯვებულად სახელდება პირველი და მეორე საფეხურის ის სტუდენტ(ებ)ი, რომელსაც აკადემიური მოსწრების დოკუმენტის თანახმად, მიღებული აქვს უფრო მაღალი ქულა.

2. თუ აკადემიური უმაღლესი განათლების პირველი საფეხურის სტუდენტის საკონკურსო სემესტრის აკადემიური მოსწრების დოკუმენტის თანახმად, ორ ან მეტ სტუდენტს მიღებული აქვს ერთნაირი ქულა, სტიპენდია გაიცემა იმ სტუდენტზე, რომელსაც ერთიანი ეროვნული გამოცდების შედეგების მიხედვით:

2.1. მიღებული აქვს უფრო მეტი საკონკურსო ქულა;

2.2. თუ შედეგები კვლავ თანაბარია - ქართული ენისა და ლიტერატურის გამოცდაში მიღებული უფრო მაღალი სკალირებული ქულის შესაბამისად;

2.3. და თუ შედეგები ისევ ერთნაირია - უცხოური ენის გამოცდაში მიღებული უფრო მაღალი სკალირებული ქულის შესაბამისად.

3. თუ აკადემიური უმაღლესი განათლების მეორე საფეხურის სტუდენტის საკონკურსო სემესტრის აკადემიური მოსწრების დოკუმენტის თანახმად, ორ ან მეტ სტუდენტს მიღებული აქვს ერთნაირი ქულა, სტიპენდია გაიცემა იმ სტუდენტზე, რომელსაც საერთო სამაგისტრო გამოცდის შედეგების მიხედვით:

3.1. მიღებული აქვს უფრო მეტი საკონკურსო ქულა;

3.2. თუ შედეგები კვლავ თანაბარია - სპეციალობაში მიღებული უფრო მაღალი ქულის შესაბამისად;

3.3. და თუ შედეგები კვლავ ერთნაირია - იმ პროცედურით და იმავე თანმიმდევრობით, როგორც განსაზღვრულია აკადემიური უმაღლესი განათლების პირველი საფეხურის სტუდენტებთან მიმართებაში (ამავე მუხლის პუნქტი 2.).

4. თუ აკადემიური უმაღლესი განათლების პირველი და მეორე საფეხურის სტუდენტის საკონკურსო სემესტრის აკადემიური მოსწრების დოკუმენტის თანახმად, ორ ან მეტ სტუდენტს მიღებული აქვს ერთნაირი ქულა, სტიპენდია გაიცემა, იმ სტუდენტზე, რომელსაც ერთიანი ეროვნული გამოცდების შედეგების მიხედვით:

4.1. მიღებული აქვს უფრო მეტი საკონკურსო ქულა;

4.2. თუ შედეგები კვლავ თანაბარია - ქართული ენისა და ლიტერატურის გამოცდაში მიღებული, უფრო მაღალი სკალირებული ქულის შესაბამისად;

4.3. და თუ შედეგები ისევ ერთნაირია - უცხოური ენის გამოცდაში მიღებული, უფრო მაღალი სკალირებული ქულის შესაბამისად.

## **მუხლი 10. შედეგების დამტკიცება**

1. კონკურსის შედეგების თაობაზე, დგება აქტი, რომელსაც ხელს აწერენ - განყოფილების უფროსი და განყოფილების სპეციალისტი (დონისძიების განხორციელებაზე მიმაგრებული თანამშრომელი).

2. აქტს ამოწმებს მერის მოადგილე (კურატორი), ხოლო მისი არყოფნის შემთხვევაში -

სამსახურის უფროსი.

3. მერის მოადგილე (კურატორი), ხოლო მისი არყოფნის შემთხვევაში - სამსახურის უფროსი, მოხსენებით ბარათს კონკურსის შედეგების დამტკიცების თაობაზე, აქტის მიღებიდან არაუგვიანეს 3 სამუშაო დღისა, წარუდგენს მერს.

4. მერი, მოხსენებით ბარათის წარდგენიდან არაუგვიანეს 5 სამუშაო დღისა, გამოსცემს ბრძანებას კონკურსის შედეგების დამტკიცებისა და სტიპენდიის გაცემის თაობაზე.

5. კონკურსში გამარჯვებული სტიპენდიანტების სია, ქვეყნდება მერიის ოფიციალურ ვებგვერდზე: [www.batumi.ge](http://www.batumi.ge).

## **მუხლი 11. სტიპენდიების გაცემის ვადები**

ქალაქ ბათუმის მუნიციპალიტეტის მერიის საფინანსო-საბიუჯეტო სამსახური, მერის ბრძანებისა და ქალაქ ბათუმის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის წერილობითი მიმართვის საფუძველზე 8 სამუშაო დღის ვადაში უზრუნველყოფს სტიპენდიის გაცემას (მითითებულ საბანკო რეკვიზიტებზე).

## **მუხლი 12. მონაცემთა ბაზა**

კონკურსში გამარჯვებული სტიპენდიანტების მონაცემები, შედის ქალაქ ბათუმის მუნიციპალიტეტის მერიის წარმატებული სტუდენტების საერთო მონაცემთა ბაზაში და ეგზავნება ქალაქ ბათუმის მუნიციპალიტეტის სტუქტურულ ერთეულებს და დაქვემდებარებულ სამეწარმეო და არასამეწარმეო (არაკომერციულ) იურიდიულ პირებს. ასევე, დასაშვებია რეკომენდირება სახელმწიფო და კერძო სექტორის დაინტერესებული პირებისათვის, მათი შესაძლო დასაქმების თვალსაზრისით.